



სსიპ - დავით აღმაშენებლის სახელობის
საქართველოს ეროვნული თავდაცვის აკადემია



2026 - 2028 სასწავლო წლის

საერთაშორისო ურთიერთობების და სამხედრო დიპლომატიის

სამაგისტრო საგანმანათლებლო

პროგრამის გზამკვლევი



სარჩევი

1. სამაგისტრო საგანმანათლებლო პროგრამის მიმოხილვა
 - 1.1 სამაგისტრო პროგრამის ზოგადი აღწერილობა
 - 1.2 სამაგისტრო პროგრამის სასწავლო კურსები
 - 1.3 სამაგისტრო პროგრამის მიზანი
 - 1.4 სამაგისტრო პროგრამის აქტუალობა
 - 1.5 სამაგისტრო პროგრამაზე დასწრების მეთოდი
2. სამაგისტრო საგანმანათლებლო პროგრამაზე ჩარიცხვის წინაპირობა
 - 2.1 შესარჩევი კანდიდატები
 - 2.2 სამაგისტრო პროგრამაზე ჩარიცხვა
 - 2.2.1 სამაგისტრო პროგრამაზე ჩარიცხვის ეტაპები
 - 2.2.2 სამაგისტრო პროგრამის კვოტები
3. შეფასების სისტემა
4. სამაგისტრო საგანმანათლებლო პროგრამის წარმატებით დასრულების შემდეგ კურსდამთავრებულთა შესაძლებლობები
5. დასაქმების სფერო
6. სწავლის გაგრძელების შესაძლებლობა



1. საგანმანათლებლო პროგრამის მიმოხილვა

1.1. საგანმანათლებლო პროგრამის ზოგადი აღწერილობა:

- სამაგისტრო საგანმანათლებლო პროგრამის დასახელება: **საერთაშორისო ურთიერთობები და სამხედრო დიპლომატია / International Relations and Military Diplomacy;**
- სამაგისტრო საგანმანათლებლო პროგრამა შესდგენა 2 ნაწილისაგან:
ნაწილი I - მისანიჭებელი კვალიფიკაცია: **საერთაშორისო ურთიერთობების მაგისტრი / Master of International Relationship ;**
ნაწილი II - მისანიჭებელი კვალიფიკაცია - **კვლევის მაგისტრი საერთაშორისო ურთიერთობებში/ Master of Research (MRes) in International Relations**
- პროგრამის საერთო მოცულობა კრედიტებით: **120 ECTS კრედიტი, მათ შორის;**
ნაწილი I - 60 კრედიტი;
ნაწილი II - 60 კრედიტი.
- პროგრამის ხანგრძლივობა:
ნაწილი I - 1 (ერთი) წელი - 2 სემესტრი. ნაწილი I პირველ და მეორე სემესტრებში სწავლება მიმდინარეობს რეზიდენტულად - საჯარო მოხელეებზე მორგებული ჰიბრიდული სწავლების რეჟიმით (სწავლება მიმდინარეობს, როგორც აუდიტორიებში, ასევე აკადემიაში არსებული ელექტრონული სასწავლო პლატფორმების გამოყენებით).
ნაწილი II - 1 (ერთი) წელი - 2 სემესტრი. ნაწილი II , პირველ სემესტრში სწავლება მიმდინარეობს რეზიდენტულად - საჯარო მოხელეებზე მორგებული ჰიბრიდული სწავლების რეჟიმით (სწავლება მიმდინარეობს, როგორც აუდიტორიებში, ასევე აკადემიაში არსებული ელექტრონული სასწავლო პლატფორმების გამოყენებით), ხოლო მე-2 სემესტრში - არარეზიდენტულად (დაუსწრებელი).

1.2. სამაგისტრო საგანმანათლებლო პროგრამის შემადგენელი სასწავლო კურსები:

ნაწილი I

სავალდებულო სასწავლო კურსები:

1. აკადემიური წერა მაგისტრანტებისთვის;



2. საერთაშორისო ურთიერთობების თეორიები;
3. ეროვნული უსაფრთხოება და თავდაცვა;
4. საქართველოს საგარეო პოლიტიკა;
5. ევროკავშირის საგარეო და უსაფრთხოების პოლიტიკა;
6. სამხედრო დიპლომატიის როლი სახელმწიფოს საგარეო პოლიტიკასა და უსაფრთხოებაში;
7. საერთაშორისო სამართალი;
8. საერთაშორისო ორგანიზაციები;

არჩევითი სასწავლო კურსები:

1. დაზვერვის ანალიზი;
2. სტრატეგიული კომუნიკაცია;
3. ჩინეთის საგარეო პოლიტიკა;
4. საქართველოს ახალი და უახლესი სამხედრო ისტორია ;
5. შავი ზღვის რეგიონი;
6. რუსეთის საგარეო პოლიტიკა და უსაფრთხოება;
7. ამერიკის შეერთებული შტატების საგარეო პოლიტიკა;
8. ჩრდილოეთ ატლანტიკური უსაფრთხოების ისტორია და არქიტექტურა;

სამაგისტრო საგანმანათლებლო პროგრამის შემადგენელი სასწავლო კურსები:

ნაწილი II

სავალდებულო სასწავლო კურსები:

1. საგარეო პოლიტიკის ანალიზი;
2. სამხედრო მზადყოფნა: კონცეფციები, არჩევანი, შედეგები;
3. ეკონომიკური უსაფრთხოება
4. კვლევის მეთოდები და დიზაინი;
5. სამაგისტრო ნაშრომი.

არჩევითი სასწავლო კურსები:

1. საერთაშორისო კონფლიქტები;
2. ხელოვნური ინტელექტის ტექნოლოგიები საერთაშორისო ურთიერთობებში;
3. კიბერუსაფრთხოება;



4. დიპლომატიის ისტორია.

1.3. სამაგისტრო საგანმანათლებლო პროგრამის მიზანი

ნაწილი - I. სამხედრო და სამოქალაქო პირებისათვის საერთაშორისო ურთიერთობების თეორიული განხილვებისა და ამ სფეროში არსებული ემპირიული გამოცდილების სიღრმისეული ცოდნის ჩამოყალიბება. აღნიშნული ცოდნა მათ მისცემს შესაძლებლობას უსაფრთხოების თანამედროვე, ცვალებად და არაპროგნოზირებად გარემოში სხვადასხვა ქრილში გააანალიზონ რეგიონული და გლობალური პოლიტიკური პროცესები.

ნაწილი - II. უზრუნველყოს მსმენელებისთვის იმ უნარების განვითარება, რომლებიც აუცილებელია ეროვნული ინტერესებისათვის რაციონალური და ოპტიმალური პოლიტიკის განსასაზღვრად დიპლომატიური ბერკეტებისა და სიტუაციური ანალიზის გამოყენებით. ასევე, ადგილობრივ და საერთაშორისო დონეზე აუდიტორიის წინაშე ძირეული და მიმდინარე პრობლემატიკის პროფესიულ დონეზე განხილვისა და კვლევის უნარების განვითარება.

1.4. სამაგისტრო საგანმანათლებლო პროგრამის აქტუალობა

ნაწილი - I. საერთაშორისო ურთიერთობების და სამხედრო დიპლომატიის სამაგისტრო საგანმანათლებლო პროგრამის (შემდგომში - პროგრამა) შეთავაზების მიზეზია საერთაშორისო ურთიერთობების სფეროში სტრატეგიული დონის

კვალიფიციური სამხედრო და სამოქალაქო ხელმძღვანელი პირების მომზადება, რომლებიც უზრუნველყოფილი იქნებიან სფეროს მულტიდისციპლინური, სისტემური და სიღრმისეული ცოდნით. კურსდამთავრებულები შეძლებენ კარიერული წინსვლის პროცესში ინტეგრირებას და ოფიცერთა შემადგენლობის სამხედრო წოდებრივი და თანამდებობრივი დაწინაურების მოქმედ სისტემასთან შესაბამისობას.

ნაწილი - II. საგანმანათლებლო პროგრამის შეთავაზება ასევე აქტუალურია იმ თვალსაზრისით, რომ კურსდამთავრებულებს ექნებათ შესაძლებლობა თანამედროვე მრავალფაქტორიან გარემოში არსებულ, წარმოქმნილ და გაუთვალისწინებელ საფრთხეებზე რეაგირებისათვის გამოიყენონ შესაბამისი თეორიული ცოდნა და კვლევის უნარი, ასევე



მიიღონ გადაწყვეტილებები ღრმა კრიტიკულ ანალიზზე დაყრდნობით.

1.5. სამაგისტრო საგანმანათლებლო პროგრამაზე დასწრების მეთოდი

1.5.1. პროგრამაზე სწავლისას სემესტრის განმავლობაში პროგრამაზე სწავლა მიმდინარეობს ჰიბრიდული სწავლების (როგორც აუდიტორიებში, ასევე სხვადასხვა სასწავლო პლატფორმების გამოყენებით) მეთოდით, რომელიც წარმოადგენს საჯარო მოსამსახურეებისათვის ოპტიმალურად მორგებულ სწავლების რეჟიმს.

1.5.2. სემესტრის განმავლობაში სალექციო პროცესი მიმდინარეობს შემდეგი თანმიმდევრობით:

- ძირითადი სასწავლო კურსები (დღეში 2 სასწავლო კურსი) მიმდინარეობს სასწავლო კვირის პარასკევს და შაბათ დღეს. საპატიო მიზეზის არსებობის შემთხვევაში მსმენელებს შესაძლებლობა აქვთ დაესწრონ ლექციებს აკადემიაში არსებული ელექტრონული სასწავლო პლატფორმების გამოყენებით.
- არჩევითი სასწავლო კურსები ტარდება კვირის სამუშაო დღეებში, დღის სამუშაო საათების დასრულების შემდგომ (18:00 საათის შემდეგ) ჰიბრიდული სწავლების მეთოდის შესაძლებლობით.

1.5.3. სამაგისტრო პროგრამის ნაწილი II, მე-2 სემესტრში, მსმენელები (ხელმძღვანელის/თანახელმძღვანელის მენტორობით) დამოუკიდებლად მუშაობენ სამაგისტრო ნაშრომზე, დაუსწრებელ რეჟიმში.

2. სამაგისტრო საგანმანათლებლო პროგრამაზე ჩარიცხვის წინაპირობა

ნაწილი - I

2.1 შესარჩევი კანდიდატები:

- პროგრამაზე სწავლის მსურველებს უნდა ჰქონდეთ არანაკლებ ბაკალავრის ან მასთან გათანაბრებული აკადემიური ხარისხი;
- საქართველოს თავდაცვის სამინისტროს სისტემის სამხედრო მოსამსახურე, სამოქალაქო და სახელმწიფო სპეციალური წოდების მქონე მოსამსახურე პირები;
- პროგრამაზე ასევე დაიშვებიან უსაფრთხოების სექტორის და სახელმწიფო სტრუქტურების მოქმედი თანამშრომლები;
- საქართველოს მოქალაქეობის მქონე სამოქალაქო პირები.



2.2. სამაგისტრო საგანმანათლებლო პროგრამაზე ჩარიცხვა.

2.2.1. სამაგისტრო საგანმანათლებლო პროგრამაზე ჩარიცხვის ეტაპები

სამაგისტრო საგანმანათლებლო პროგრამაზე ჩასარიცხად კანდიდატებმა:

- უნდა განახორციელონ ერთიანი ეროვნულ გამოცდებზე რეგისტრაცია 2026 წლის 6 აპრილიდან 11 მაისის ჩათვლით (ერთიანი ეროვნული გამოცდების საერთო სამაგისტრო გამოცდისათვის რეგისტრაცია მიმდინარეობს online, შეფასებისა და გამოცდების ეროვნული ცენტრის ვებგვერდზე www.naec.gov.ge; online.naec.ge. ზუსტი ინფორმაცია საჭირო ქმედებების შესახებ განთავსებული იქნება ცენტრის ვებ - გვერდზე);
- წარმატებით უნდა ჩააბარონ ერთიანი ეროვნული გამოცდების საერთო სამაგისტრო გამოცდა;
- წარმოადგინონ ინგლისური ენის ცოდნის B2 (NATO-ს სტანდარტი STANAG 2/2/2/2) დონის დამადასტურებელი დოკუმენტი ან ჩააბარონ აკადემიის მიერ ორგანიზებულ ინგლისური ენის გამოცდა .

შენიშვნა: STANAG 2/2/2/2 (სტანაგის თაობაზე ინფორმაცია იხილეთ თავდაცვის სამინისტროს ინტერნეტ გვერდზე - <https://mod.gov.ge/ge/page/116/stanag-6001> ან თავდაცვის სამინისტროს შიდა პორტალზე - [pd - mil.ge/english-text](http://pd-mil.ge/english-text)).

კანდიდატს ენის ცოდნის დასადასტურებლად შეუძლია წარმოადგინოს ენის ცოდნის შესაბამისი დონის დამადასტურებელი სერტიფიკატი მინიმუმ CEF B2 (ან შესაბამისი დონის TOEFEL/ILTS/ECL ან სხვა საერთაშორისო ინგლისური ენის გამოცდა) ან წარმოადგინონ დიპლომი/სერტიფიკატი, რომელიც ადასტურებს, რომ გავლილი აქვთ ინგლისურენოვანი უმაღლესი საგანმანათლებლო პროგრამა ან სამხედრო საკარიერო კურსი (CCC, CGSC, WAR COLLEGE და ა.შ.);

- წარმატებით უნდა ჩააბარონ მისაღები გამოცდა სპეციალობაში (მისაღები გამოცდის თემატიკა გამოქვეყნდება აკადემიის ვებ-გვერდზე შიდა გამოცდის თარიღამდე ორი კვირით ადრე);



- სამაგისტრო გამოცდების ჩაბარების გარეშე მაგისტრანტობის კანდიდატები საგანმანათლებლო პროგრამაზე ირიცხებიან მოქმედი კანონმდებლობის შესაბამისად.

ნაწილი - II

შესარჩევი კანდიდატები:

(საქართველოს განათლების, მეცნიერებისა და ახალგაზრდობის მინისტრის 2026 წლის 15 მაისის N 65/წ ბრძანების თანახმად).

- პროგრამის 60 კრედიტის მოცულობის პირველ ნაწილზე სამაგისტრო გამოცდებით ჩარიცხული პირი, რომელიც დაასრულებს აღნიშნულ ნაწილს, უფლებამოსილია სამაგისტრო გამოცდების ჩაბარების გარეშე გააგრძელოს სწავლა აკადემიის არანაკლებ 120-კრედიტიანი იმავე პროგრამის 60 კრედიტის მოცულობის მეორე ნაწილზე, თუ პირველ ნაწილზე ჩარიცხვიდან არ არის გასული 5 წელი. აღნიშნული ვადის გასვლის შემდეგ, არანაკლებ 120 კრედიტიანი იმავე პროგრამის 60 კრედიტის მოცულობის მეორე ნაწილზე ჩარიცხვისთვის, პირი ვალდებულია ჩააბაროს სამაგისტრო გამოცდა.
- სხვა უმაღლესი საგანმანათლებლო დაწესებულების არანაკლებ 120-კრედიტიან იმავე სამაგისტრო საგანმანათლებლო პროგრამის 60 კრედიტის მოცულობის მეორე ნაწილზე ჩარიცხვისთვის პირი, რომელმაც დაასრულა უმაღლესი საგანმანათლებლო დაწესებულების არანაკლებ 120-კრედიტიანი სამაგისტრო საგანმანათლებლო პროგრამის 60 კრედიტის მოცულობის პირველი ნაწილი, ვალდებულია ჩააბაროს სამაგისტრო გამოცდა.

შენიშვნა: პროგრამის I და II ნაწილებზე სამაგისტრო გამოცდების გავლის გარეშე პირი ირიცხება საქართველოს მოქმედი კანონმდებლობის შესაბამისად.

2.2.2. სამაგისტრო საგანმანათლებლო პროგრამის კვოტები:

პროგრამის I და II ნაწილებზე, თითოეული სასწავლო წლისათვის ცალ-ცალკე, განსაზღვრულია 20 მისაღები ადგილი, რომელიც შემდეგნაირადაა გადანაწილებული:

- საქართველოს თავდაცვის სამინისტროს სისტემის სამხედრო მოსამსახურეები, საქართველოს თავდაცვის სამინისტროს სისტემაში შემავალი სამოქალაქო და სპეციალური წოდების მქონე პირები - 10 მისაღები ადგილი;



- საქართველოს სახელმწიფო უწყებების თანამშრომლები - 5 მისაღები ადგილი;
- სამოქალაქო პირები - 5 მისაღები ადგილი.
- თუ სამხედრო/სამოქალაქო მოსამსახურეების რაოდენობა აღემატება პროგრამისათვის არსებული ადგილების რაოდენობას, მისაღები გამოცდის შედეგების მიხედვით შექმნილი რეიტინგის შესაბამისად, პროგრამაზე ჩაირიცხება უფრო მაღალი მაჩვენებლის მქონე სამხედრო/სამოქალაქო მოსამსახურე.
- რომელიმე სახელმწიფო უწყებიდან კანდიდატის არ არსებობის ან საგამოცდო მინიმუმის ვერ გადალახვის შემთხვევაში მათი კვოტა დაემატება თავდაცვის სამინისტროს (მისაღები გამოცდის შედეგების მიხედვით შექმნილი რეიტინგის შესაბამისად, კურსზე ჩაირიცხება უკეთესი შეფასების მაჩვენებლის მქონე სამხედრო მოსამსახურე).

შენიშვნა: მსმენელთა ჩასარიცხ ადგილებზე კვოტების განაწილება რეგულირდება საქართველოს თავდაცვის მინისტრის ინდივიდუალურ - სამართლებრივი აქტით.

3. შეფასების სისტემა

საერთაშორისო ურთიერთობების და სამხედრო დიპლომატიის პროგრამის მაგისტრატურის მსმენელის ცოდნის შეფასება ხდება „უმაღლესი საგანმანათლებლო პროგრამების კრედიტების გაანგარიშების წესის დამტკიცების შესახებ“, საქართველოს განათლებისა და მეცნიერების მინისტრის 2007 წლის 5 იანვრის N3 ბრძანების შესაბამისად; მაგისტრატურის მსმენელთა დატვირთვა მოიცავს: ლექციაზე, სემინარზე დასწრებას, სამუშაო ჯგუფში მუშაობას, პრაქტიკულ მეცადინეობას, დამოუკიდებელ მუშაობას, სამეცნიერო-კვლევით კომპონენტზე (სამაგისტრო ნაშრომი და სხვა.) მუშაობას, სამაგისტრო ნაშრომის დაცვას, სხვა სახის საქმიანობას პროგრამის სპეციფიკიდან გამომდინარე.

შეფასების სისტემა ითვალისწინებს ხუთი სახის დადებით შეფასებას:

- ა) (A) ფრიადი – შეფასების 91-100 ქულა;
- ბ) (B) ძალიან კარგი – მაქსიმალური შეფასების 81-90 ქულა
- გ) (C) კარგი – მაქსიმალური შეფასების 71-80 ქულა;
- დ) (D) დამაკმაყოფილებელი – მაქსიმ შეფასების 61-70 ქულა;
- ე) (E) საკმარისი – მაქსიმალური შეფასების 51-60 ქულა;



არსებობს ორი უარყოფითი შეფასება:

- ა) (FX) ვერ ჩააბარა – მაქსიმალური შეფასების 41-50 ქულა რაც ნიშნავს, რომ მაგისტრატურის მსმენელს ჩასაბარებლად მეტი მუშაობა სჭირდება და ეძლევა დამოუკიდებელი მუშაობით დამატებით გამოცდაზე ერთხელ გასვლის უფლება;
- ბ) (F) ჩაიჭრა – მაქსიმალური შეფასების 40 ქულა და ნაკლები, რაც ნიშნავს, ჩაიჭრა.

მაგისტრატურის მსმენელის სტატუსის შეწყვეტის საკითხს განიხილავს აკადემიური საბჭო.

მაგისტრატურის მსმენელს უფლება აქვს გავიდეს დამატებით გამოცდაზე სასწავლო კურსში - FX-შეფასების მიღების შემთხვევაში დასკვნითი გამოცდის შედეგების გამოცხადებიდან არანაკლებ 5 დღეში.

მაგისტრატურის მსმენელთა ცოდნის შეფასების პროცესში გამოყენებული შეფასების მეთოდები სრულ შესაბამისობაშია როგორც მთლიანად პროგრამით, ისემისი ცალკეული კომპონენტით განსაზღვრულ სწავლის შედეგებთან, დარგობრივ და ზოგად (ტრანსფერულ) კომპეტენციებთან. შეფასების კომპონენტები და კრიტერიუმები გაწერილია ცალკეული სასწავლო კურსის სილაბუსში.

მაგისტრატურის მსმენელთა ცოდნის შეფასება ხდება 100 - ქულიანი სისტემით. შეფასება ითვალისწინებს: შუალედურ და დასკვნით შეფასებებს, რომელთა ჯამი წარმოადგენს საბოლოო შეფასებას; შეფასების თითოეულ ფორმასა და კომპონენტს შეფასების საერთო ქულიდან (100 ქულა) განსაზღვრული აქვს ხვედრითი წილი. შეფასების კომპონენტები, მეთოდები და კრიტერიუმები გაწერილია საგანმანათლებლო პროგრამის სილაბუსებში.

დასკვნით გამოცდაზე გასვლის უფლება ეძლევა მაგისტრატურის მსმენელს, რომელსაც შუალედური შეფასებებისა და დასკვნითი გამოცდის მაქსიმალური ქულის გათვალისწინებით უგროვდება 51 ქულა.

პროგრამების სასწავლო კომპონენტებში შუალედური და დასკვნითი შეფასებისა და შუალედური შეფასების კომპონენტების მინიმალური კომპეტენციის ზღვრის ხვედრითი წილია 51%. სამაგისტრო ნაშრომი ფასდება ერთჯერადად (დასკვნითი შეფასებით). დასკვნითი შეფასება მოიცავს სამაგისტრო ნაშრომის ხელმძღვანელის შეფასებას (20 ქულა), რეცენზენტის შეფასებას (30 ქულა) და სამაგისტრო ნაშრომის შეფასებას საჯარო დაცვაზე (50 ქულა).



კრედიტის მიღების მოთხოვნაა მაქსიმალური (100) ქულიდან 51 ქულის ან მეტის მიღება.

სამაგისტრო ნაშრომის დაცვამდე მაგისტრატურის მსმენელმა უნდა შეასრულოს შემდეგი აქტივობები:

- მოამზადოს მინიმუმ 1 პუბლიკაცია და გამოაქვეყნოს სამეცნიერო ჟურნალში;
- ან მონაწილეობა მიიღოს მინიმუმ 1 სტუდენტურ სამეცნიერო კონფერენციაში.

4. სამაგისტრო საგანმანათლებლო პროგრამის გავლის შემდეგ კურსდამთავრებულთა შესაძლებლობები:

პროგრამის კურსდამთავრებულს აქვს შემდეგი ზოგადი (ტრანსფერული) და დარგობრივი კომპეტენციები:

- კრიტიკულად იაზრებს საერთაშორისო ურთიერთობების ისტორიის საკვანძო მოვლენებს და განსაზღვრავს მათ გავლენას თავდაცვის დაგეგმვასა და ეროვნულ უსაფრთხოებაზე (ნაწილი - I);
- აცნობიერებს დიპლომატიის არსს, მის განვითარებას და განმარტავს მისი ევოლუციის ეტაპებს (ნაწილი - I);
- ხსნის ომისა და მშვიდობის შესაძლებლობებს საერთაშორისო ურთიერთობებში, შესაბამისი თეორიული ჩარჩოს გამოყენებით (ნაწილი - I);
- განსაზღვრავს საერთაშორისო ურთიერთობების სფეროში არსებული პრობლემების გადაჭრის გზებს (ნაწილი - I);
- კრიტიკულად აანალიზებს კომპლექსურ დიპლომატიურ სცენარებს აპრობირებული სამართლებრივი ჩარჩოს გამოყენებით (ნაწილი - I);
- სისტემურად აღწერს პოლიტიკურ მეცნიერებათა კვლევის მეთოდებს, საერთაშორისო ორგანიზაციებში გადაწყვეტილების მიღების პროცესს, საერთაშორისო მოლაპარაკების წარმოების ძირითად მეთოდებს და ინსტრუმენტებს (ნაწილი - I, II);
- აფასებს საერთაშორისო ურთიერთობების სფეროში არსებული პრობლემების გადაჭრის დიპლომატიურ და სამართლებრივ შესაძლებლობებს (ნაწილი - I, II);
- მიღებული ცოდნის საფუძველზე თანმიმდევრულად წარმართავს სწავლის პროცესს და დამოუკიდებლად განსაზღვრავს მის შემდგომ სასწავლო მოთხოვნებს (ნაწილი - I, II);



- სიღრმისეულად მიმოიხილავს მსოფლიოში მიმდინარე პოლიტიკურ პროცესებს, რაც ხელს უწყობს სახელმწიფოთა შორის რაციონალური ბალანსის შენარჩუნებას (ნაწილი - II);
- დამოუკიდებელად აყალიბებს სათანადოდ დასაბუთებულ და არგუმენტირებულ დასკვნებს ეკონომიკური უსაფრთხოების მაჩვენებლების შესახებ საერთაშორისო ურთიერთობების კონტექსტში (ნაწილი - II);
- აკადემიური კეთილსინდისიერებისა და ეთიკის პრინციპების დაცვით, დამოუკიდებლად ახორციელებს კვლევას და ახდენს ზეპირ და წერილობით კომუნიკაციას (ნაწილი - II).

5. დასაქმების სფერო

საერთაშორისო ურთიერთობების და სამხედრო დიპლომატიის პროგრამის კურსდამთავრებულებს შეუძლიათ გააგრძელონ საქმიანობა დიპლომატიურ სამსახურში, მათ შორის საელჩოებში, საკონსულოებში და საერთაშორისო ორგანიზაციებში საქართველოს წარმომადგენლობის ფარგლებში. ისინი შეძლებენ მუშაობას როგორც ეროვნულ, ასევე საერთაშორისო დიპლომატიურ უწყებებში, სადაც საჭიროა სიტუაციური ანალიზის უნარები და დიპლომატიური ბერკეტების გამოყენება.

მნიშვნელოვანი დასაქმების სფეროა ეროვნული თავდაცვისა და უსაფრთხოების სისტემა, სადაც კურსდამთავრებულები შეძლებენ იმუშაონ სტრატეგიული ანალიზისა და პოლიტიკის შემუშავების მიმართულებით ან საერთაშორისო უსაფრთხოების საკითხებზე მომუშავე ინსტიტუტებში. ასევე, კურსდამთავრებულებს შესაძლებლობა ექნებათ საქმიანობა საკონსულტაციო და ანალიტიკურ სფეროებში, სადაც საჭირო იქნება გეოპოლიტიკური ანალიზის მომზადება და სტრატეგიული კონსულტაციების გაწევა. გარდა ამისა, ისინი შეძლებენ მუშაობას მედიასა და საზოგადოებრივ კომუნიკაციებში, როგორც ანალიტიკოსები და ექსპერტები, სადაც მათი ცოდნა ხელს შეუწყობს პოლიტიკურ საკითხებზე სტატიებისა და კვლევების მომზადებას.

კურსდამთავრებულების მიერ ექსპერტიზის განხორციელება იქნება მოთხოვნადი სამეცნიერო და კვლევით ინსტიტუტებში, სადაც ისინი შეძლებენ გლობალური პოლიტიკური პროცესების, უსაფრთხოების და გეოპოლიტიკური ანალიზის კვლევაში მონაწილეობას.



6. სწავლის გაგრძელება შესაძლებლობა

პროგრამის I ნაწილის კურსდამთავრებულს საშუალება აქვს სწავლა გააგრძელოს სამაგისტრო საგანმანათლებლო პროგრამის II ნაწილზე. (როგორც აკადემიაში, ასევე სხვა უსდ-ში საქართველოს მოქმედი კანონმდებლობის შესაბამისად).

პროგრამის II ნაწილის კურსდამთავრებულს შეუძლია სწავლის გაგრძელება აკადემიური უმაღლესი განათლების მესამე საფეხურზე - დოქტორანტურაში როგორც საქართველოში, ისე საზღვარგარეთ.

საკონტაქტო პირი:

მაგისტრატურის ხელმძღვანელი
პოლკოვნიკი ირაკლი უჩაძე
ელ ფოსტა: iuchadze@eta.edu.ge
iuchadze@mod.gov.ge
ტელ: +995 577 191980